



Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

Naalakkersuisunut Apeqqut:

KNR-imi tv digitaliusut kanalit sisamanut amerlineqarnissaat qanoq akeqarpa suminngaanniillu akilerneqarpat?

(Inatsisartuni ilaasortaq Kristian Jeremiassen, Siumut)

Tunngavilersuut:

Ataasinngormat 8. november 2010 tusagassiutitigut nalunaarutigineqarpoq KNR TV-kut isiginnaagassiat kanaalit sisamanngortinneqalersut, digitaliseeriineq aqqutigalugu. Tamannalu Namminersornerullutik Oqartussat inissiaataanni najugalinnut **Naalakkersuisunit** adventimi **tunissutitut** oqaatigineqarpoq.

Aqaguanilu 9. november 2010 Ineqarnermut attaveqarnermut pisortaarfiani pisortaanerup tusagassiutitigut saqqummiussinermi aamma tamanna naqissuserpaa oqaatigalugulu periarfissaqalersimallutik Namminersornerullutik Oqartussaniit tamanna aningaasaliiffigineqarnissaanik.

Inuiaqatigiinnut nalunaarutit aallaavigalugit qulaani pineqartumut apererusuppunga, taakkua dekoderit 7.000-it missannik amerlassusillit aningaasartaat suminngaaniit Naalakkersuisut akilerpaat qanorlu akeqarpat?